

HERRI KIROLAK

Partaide guztiak Arrospideren aurka

Euskal Herriko txapelketa, gaur

Hamabi urteko tartean Hondoren, Euskal Herriko aizkolari txapelketako finala Nafarroara itzuliko da gaur. Horretaz baliatu nahi du Donato Larretxea aranaztarrak txapela Nafarroan bertan uzteko. Baina aurten ere gipuzkoarrak dira faborito nagusiak eta Arrospide eta Olasagastiren aurretik gelditzeko kalitate handia erakutsi beharko da.

pisua Jose Mari Olasagasti eta Anjel Arrospidek hartuko dute. Jose Miguel Peñagarikanok, aldiz, azkeneko postutik aldentzeko nahiko lan izango du. Beraz, aurten ere eta azkeneko urteetan gertatu bezala Nafarroa-Gipuzkoa norgehiagoka errepikatuko da.

ERREKORRA EZ DAGO KOLOKAN Behintzat hori da aizkolari eta aditu gehienek ustea.

1993an Anjel Arrospidek ezarri zuen oraindik badirauren marka Basaurin. Leaburuarrak 29 minutu eta 57 segundu behar izan zituen hamabi enborrak mozteko. Gainera, kontuan izan behar da denboraldi arraro samarra izan dela aurtengoa. Arrospidek apendizitis ebakuntza izan zuen uda hasieran. Donostiako Urrezko Kopan Donato Larretxeak Arrospideren marka hobetu zuen. Abuztuan jokaturako proba hartan aranaztarrak bost minutura utzi zituen Olasagasti eta Arrospide. Gipuzkoako txapelketari uko egi zion Arrospidek Euskal Herrikoa behar bezala prestatzeko, eta ebakuntzatik ondo errekupeatu dela erakutsi zuen Etxarri-Aranatzeko egindako kanporaketan. Olasagasti izan zen azkarrena proba horretan, Donato Larretxea eta Arrospideren aurretik. Orduan finaleko materialaren erdia moztu zen.



Josemari Olasagastik txapela lortu nahi du behingoz.

Olasagasti: «Beti puntu bat falta zait»

PERU C. SABAN / DONOSTIA

Jose Mari Olasagastik 36 urteko aizkolari igeldorria da; 1,92 metro da luze eta 92 kilo pisatzen ditu, bere bihotzak 36 taupada egiten ditu minutuko atsedenean. Hainbat eta hainbat alditan txapeldunordea izanda, aurten estreinakoa lortzen saiatuko da.

EGUNKARIA.— Gipuzkoako txapela irabazteak morala eman al dizu txapelketetan irabazten hasteko?

JOSE MARI OLASAGASTI.— Baditut bederatzi urte bigarren ateratzen naizela, eta beno, beti ia-ia hortxe ibiltzen naiz, bigarrenengo hori izaten dut, baina aurrenekoa beti faltatzen zait. Beti pixka bat

urduri jartzen naiz, zeren jada bederatzi urtez bigarren izate horrek asko esan nahi du. Beti puntu bat falta zait eta puntu hori non dagoen... Baina bai, aurten ere irabazi nahi nuke; orain, badakit nire aurkariak ere oso ondo prestatuta daudela eta...

EGUNKARIA.— Hainbeste exhibizio egin eta gero, motibazio berezia ematen al dizu txapelketak?

OLASAGASTI.— Beno, bai, exhibiziotan ibili naiz udan eta azkeneko hil honetan ere bai, eta horrek beti nekatu egiten zaitu, baina aurten uste dut lehengo urteetan baino hobeto prestatuta aterako naizela.

EGUNKARIA.— Arrospide eta

Larretxea nola ikusten dituzu, zein izango da zure aurkari nagusia?

OLASAGASTI.— Nik uste dut aurkaria betikoa edukiko dudala: Arrospide. Larretxea ere ikusten dut ondo dagoela, baina... hor ondoen Arrospide egongo da, baina beno, denok elkarren antza daukagu, diferentzia handirik ez dago.

EGUNKARIA.— Arrospidek Txapelketan daukan marka hobetzerik badagoela uste al duzu?

OLASAGASTI.— Ez, ez, zaila izango da haren marka hobetzea, oso ondo eginga dago hura: egur onak, eguraldi egokia... luzarorako egongo da hura.

JON OLASKOAGA / DONOSTIA

Iaz Leaburun lortutako txapela gordetzeko lan handia egin beharko du Arrospidek gaur eguerdian, Doneztebeko Bearzana pilotalekuan. Orduan gipuzkoarrak jaioterrian jokatu zuen txapelketa. Gaur, ordea, finala Nafarroara itzuli da eta Donato Larretxearentzat izango dira animu gehienak. Ez da ahaztu behar beste bi nafarrek ere hartuko dutela parte finalean —Mikel Mindegia eta Floren Nazabal— eta hauek ere lan txukuna egin dezaketela. Hala ere, gipuzkoarren nagusitasuna apurtzeko Aranatzeko jaio baina Beran bizi den aizkolaria da aukera duen bakarra.

Gipuzkoako ordezkariaren

SASKIBALOIA

Baskoniak kanporaketa gaitza du KK Zagreb taldearen aurka

L. K. G. / GASTEIZ

Taugres-Baskoniak kanporaketa gaitza gainditu beharko du Kroaziako KK Zagreb taldearen kontra Europako Kopako ligatxora ailegatu nahi badu. Manel Comasen jokalariek Zagreben ariko dira hilaren 24an eta kanporaketa Araba pabilioian ziurtatu astebeite geroago.

KK Zagreb tradizio handiko taldea da Kroaziako saskibaloian. Cibonaren konpetentzia izaten du Zagreben, eta betiko aurkari horrek jokari onenak eramaten baditu ere, KK taldeak maila ona lortzen du beti, areago azkenaldion Kroaziako Ligako talde bakoitzak atzerritar bat daukala-eta.

Drazen Anzulovic da taldeko base titularra eta ezaguna da Gasteizen duela denboraldi batzuk KK eta Baskonia elkarren

aurka aritu zirenetik. Alabaina, eskolta gazte bat da Zagrebekoen izarra: Davor Rimac. Slaven Rimac Cibonako base eta kroaziar saskibaloiko promesaren anaia da. Aurten Cibonak eskaintza polita egin zion Davorri, baina honek muzin egin zion. Arkansas Universityko jokalaria izan zen eta NCAAko txapeldun eta txapeldunorde sailkatu zen. Bi metroko eskolta denez, ikusteko dago Velimir Perasovic edo Marcelo Nicolari egokitzen zaion Davor Rimac zaintzea.

Kroaziako taldeko barruko jokoiari dagokionez, Lee Mathews 2,02ko pibot estatubatuarra eta Tihomir Juric 2,07ko kroaziarra dira Bosko Bozic entrenatzailearen baliabide nagusiak.

Baskoniak, bada, lan nahikoa egin beharko du KK Zagreb kanporatu ahal izateko, baina ahal-egin guztiak beharrezkoak

KK ZAGREB	
Jokalaria	Altuera
4 Tarle	2,08
5 Gusic	1,96
6 Anzulovic	1,95
7 Kos	2,03
8 Marinovic	1,97
9 Zdravec	2,05
10 Sesar	1,97
11 Juric	2,07
12 Milacic	1,88
13 Perica	2,02
14 Mathews	2,02
15 Rimac	2,00

izango dira, Europako Kopako Ligatxora igarotzeak garrantzi ekonomiko itzela baitauka. Comas entrenatzaile kataluniarren taldeak iaz hil edo biziko kanporaketa jokatu zuen Lituaniako Zalghiris Kaunas taldearen kontra eta oraingo honetan are gaitzago edukiko duela dirudi. Gasteizko finalerako benetako bidea KK Zagreben hasiko da pare bat aste barru.

Rickie Brownek Dan O'Sullivan ordezkatu beharko du Taugresen

GASTEIZ

Rickie Brown 36 urteko pibotak Dan O'Sullivan ordezkatu beharko du Taugres-Baskonian, taldeak baieztatu gabeko albisteek diotenez. Horrela, Brown bihar eguerdian heldu eta arratsaldean bertan taldekide berrie-kin egongo da.

Brown esperientzia handiko jokalaria da ACBn. Hiru momentu nagusi izan ditu: aurrena Malagan Joe Arlauckasekin batera, bigarrena Real Madriden eta azkena Andorran. Lehén biak oso arrakastatsu gertatu zitzaizkion eta gogoan dugu oraindik Real Madridi azken segunduan eman zion Europako titulua.

Gasteizko taldeak segurtasunera jo du Brownen fitxaketaren bidez, Dan O'Sullivanekin arriskatzeko guztia eginda dagoelakoan, eta bestalde, taldea-



Ricky Brown.

EFE

ren gaur egungo egiturari eutsi nahi dio. Izan ere, David Sala bidaliz hirugarren atzerritarra basea izateko aukera planteatu zen, baina Brown etorri ondoren gauzak argitu dira.